



CALIFORNIA DEPARTMENT OF
FOOD & AGRICULTURE
Karen Ross, Secretary

**Txwv Tsis Pub Nthuav Qhia Txog Tsiaj Tuaj Tis thiab Nyuj Ua Mis Thoob Plaws Xeev
Cov Lus Nug Uas Nquag Nug (Frequently Asked Questions, FAQ)
(Tsiaj Tuaj Tis, Nyuj Ua Mis, Lwm Yam Tsiaj Yug, thiab Raws Li Ncua Dav)**

COV LUS NUG THIAB COV LUS TEB TXOG NOOG AVIAN/TSIAJ TUAJ TIS

Lus Nug. Qhov kev txwv yuav cuam tshuam rau noog hom twg nyob ntawm cov kev nthuav qhia, cov kev qhia, los sis cov kev ua ub ua no txog kev lag luam?

Kev txwv uas tau hais los ntawd muaj lub hom phiaj los tswj hom noog uas muaj kev pheej hmoo siab tshaj plaws uas cuam tshuam rau mob npaws noog. Qhov kev txwv no yuav cuam tshuam rau cov qaib, cov qaib ntshw, cov os, thiab cov noog nyob toj siab (xws li qaib qus, noog chukars). Tag nrho lwm cov kev nthuav qhia, cov kev qhia los sis cov kev muag uas muaj cov noog, uas suav nrog noog nquab, noog leeb nkaub, nquab doves, noog Soft Bills, thiab noog Hookbills, yuav tsis raug cuam tshuam los ntawm kev txwv nyob rau lub sij hawm no tab sis mas muaj kev pheej hmoo mob vais lav. Nyob rau tej qhov kev nthuav qhia los sis kev qhia uas peb tau txhawb zoo kom muaj kev soj saib yam uas ua tib zoo thiab kev cais tej cov noog uas muaj mob, kev nyiam huv, thiab kev siv cov cai uas txo kev sib kis kab mob uas tej zaum yuav tshwm sim los ntawm ib tug noog mus rau ib tug noog nyob rau hauv cov xwm txheej no.

Lus Nug. Puas yog qhov kev txwv no siv tau rau cov qe los sis lwm cov kev nthuav qhia txog qe, kev txiav txim los sis cov kev muag?

Tsis Yog. Tam sim no cov qe tsis raug suav nrog hauv kev txwv thiab siv tsis tau rau cov kev nthuav qhia txog qe, kev txiav txim, los sis cov kev muag. Kev pov tseg lub thawv rau qe tsim nyog ua raws cov kev coj ua txog kev nyiam huv. Piv txwv, kev siv cov nab looj tes siv tag pov tseg los muab cov qe tso rau hauv lub hnab yas muaj ncauj kaw, muab kaw, thiab muab tso rau hauv lub hnab yas muaj ncauj kaw faj seeb, muab kaw, thiab tsuag mus rau sab nrauv lub hnab uas siv tshuaj tua kab mob xws li tshuaj Lysol, tom qab ntawd muab pov tseg rau hauv lub thawv ntim.

Lus Nug. Puas yog qhov kev txwv no siv tsis tau rau lub tub ncu thiab/los sis cov thawv rau qe?

Tsis Yog. Qhov kub uas siv rau cov thawv rau qe no tsim nyog ua rau cov vais lav tsis ua hauj lwm. Pej xeem tsis tsim nyog sib chww ncaj nraim/nkag mus rau hauv cov qe los sis cov me nyuam qaib. Tsim nyog soj saib cov me nyuam qaib uas daug rau tej cov teeb meem kev noj qab haus huv rau 30 hnub. Yog tias tej cov teeb meem kev noj qab haus huv tshwm sim tuaj, ces txuas lus rau CDFA Tus Xov Tooj Hu Ceev Txog Noog Uas Mob ntawm 866-922-2473.

Lus Nug. Puas yog qhov kev txwv siv tau rau cov tsiaj tuaj tis uas nthuav qhia rau kev muag hauv chaw?

Yog. Tam sim no, kev txwv suav nrog tsiaj tuaj tis uas piav qhia ntawm cov kev ua ub ua no txog kev lag luam, cov kev qhia, thiab cov kev nthuav qhia uas muaj cov kev muag hauv chaw. Txuas lus rau cdfa.HPAinfo@cdfa.ca.gov rau kev ntsuam xyuas kev pheej hmoo tam sim no nyob rau hauv koj cheeb tsam thiab txhawm rau ua zoo saib rau cov kev zam tom qab Lub Peb Hlis Ntuj Tim 1, 2025.



COV LUS NUG THIAB COV LUS TEB TXOG NYUJ UA MIS

Lus Nug. Nyuj ua mis twg raug cuam tshuam los ntawm kev txwv?

Kev txwv muaj lub hom phiaj los tswj cov hom nyuj uas muaj kev pheej hmoo siab tshaj plaws uas paub tias cuam tshuam nrog kev kis kab mob H5N1 nyob rau hauv xeev California. Thaum uas lwm hom nyuj ua mis raug cuam tshuam nyob rau hauv kev sib kis, cov tsiaj uas muaj kev pheej hmoo siab tshaj plaws yog cov nyuj uas cais ua me nyuam ze rau qhov yuav yug me nyuam (Cov nyuj uas ze yuav yug los), thiab cov nyuj ua mis los sis nyuj tsis muaj mis. Tab txawm tias lub luag hauj lwm cov maum nyuj kev hloov hauv kev kis kab mob H5N1 yuav tsum muaj kev tshawb nrhiav ntxiv, tsis muaj kev kuaj uas ntseeg siab tau txhawm rau ua kom ntseeg siab tias lawv yeej tsis raug cuam tshuam, thiab lawv muaj kev pheej hmoo siab vim yog raws li ib xwm lawm lawv hloov mus rau ntawm vaj nyuj ua mis los sis lub tsev nyob sib koom nrog cov tsiaj ua mis. Yog li ntawd, kev txwv suav nrog cov maum nyuj kev hloov, tshwj xeeb tshaj yog cov maum nyuj cais ua me nyuam (Cov nyuj uas ze yuav yug los), thiab cov nyuj ua mis los sis cov nyuj laus uas tsis muaj mis lawm. Cov hom nyuj ua mis suav nrog nyuj Ayrshire, nyuj Brown Swiss, nyuj Holstein, nyuj Jersey, nyuj Guernsey, nyuj Milking Shorthorn, nyuj Liab thiab Dawb, thiab tej cov nyuj ua mis uas cais ua me nyuam. Tau txwv tsis pub muaj kev nthuav qhia txog kev ua pub nyuj mis nyob ntawm cov chaw no.

Lus Nug. Puas yog qhov kev txwv no siv tau rau cov nyuj mis, cov me nyuam nyuj noj zaub, thiab cov nyuj yug los ua nqaij?

Tsis Yog, tuaj yeem nthuav qhia cov nyuj mis, cov me nyuam nyuj noj zaub, thiab cov nyuj ua nqaij, raws li hom nyuj ua mis no tsis raug cuam tshuam zoo hauv kev kis kab mob H5N1 mus rau cov nyuj ua mis thiab feem ntau lawm raug sib cais los sis hloov mus rau cov chaw sau qoob loo. Vim yog tej zaum cov nyuj no yuav qhia tawm qhov cuab yeej khoom siv los sis cov chaw uas muaj cov nyuj ua mis, ua zoo soj saib thiab kev cais cov nyuj uas mob, kev tu huv, thiab kev siv cov cai uas txo kev kis kab mob los ntawm ib tug tsiaj rau ib tug tsiaj nyob rau ntawm cov xwm txheej no tseem yog qhov tseem ceeb.

Lus Nug. Yog vim li cas nyuj ua mis thiaj li raug cais tsis suav nrog cov kev nthuav qhia thaum tsis muaj nyuj ua mis?

Vais lav H5N1 yuav loj hlob nyob rau hauv mis nyuj thiab nyob rau hauv qab plab. Qhov no yuav ua rau muaj kev pheej hmoo nce ntxiv ntawm cov nyuj ua mis tshaj li cov nyuj ua nqaij. Dhau li ntawd lawm, CDFA tsis muaj cov ntaub ntawv uas qhia tias cov nyuj ua mis raug cuam tshuam los sis kis tus vais lav no, tab txawm tias yuav tsum muaj kev tshawb fawb ntau ntxiv uas cuam tshuam rau kev pheej hmoo rau hom tsiaj los xij. Qhov kawg nkaus, feem ntau lawm cov nyuj ua mis hloov mus rau cov chaw sau qoob loo thiab tsis rov qab mus rau qhov chaw ua mis uas tej zaum yuav ua rau lawv kis kab mob. Vim yog tej zaum cov nyuj ua nqaij no yuav qhia tawm qhov cuab yeej khoom siv los sis cov chaw uas muaj cov nyuj ua mis, ua zoo soj saib thiab kev cais cov nyuj uas mob, kev tu huv, thiab kev siv cov cai uas txo kev kis tej tug kab mob los ntawm ib tug tsiaj rau ib tug tsiaj nyob rau ntawm cov xwm txheej no tseem yog qhov tseem ceeb.



CALIFORNIA DEPARTMENT OF
FOOD & AGRICULTURE
Karen Ross, Secretary

Lus Nug. Puas yog cov kev ua ub ua no txog kev lag luam muaj chaw yug tsiaj ua mis yuav tsum muaj cov qauv rau mis?

Tsis tsim nyog siv cov chaw yug tsiaj ua mis kom txog thaum yuav muaj kev tshem tawm qhov kev txwv no. Txhua cov nyuj ua mis uas nyob rau ntawm cov cheeb tsam lag luam yuav tsum raug sib cais los ntawm zej tsoom.

Lus Nug. Puas yog cov maum nyuj ua mis uas kuaj pom tias muaj H5N1, koom nrog cov kev ua ub ua no txog kev lag luam, cov kev qhia, cov kev nthuav qhia, los sis cov kev muag?

Tsis yog nyob rau lub sij hawm no. Tam sim no, kev kuaj uas ntseeg siab tau feem ntau rau H5N1 yog kev siv ib tug qauv mis. Yog tias muaj kev tsim kho los sis kev nqua thov kev kuaj uas ntseeg siab tau rau nyuj ua mis uas tsis pub mis, yuav muaj kev ua zoo saib rau cov kev zam. Yuav tsum muaj qhov kev nqis tes no los txo kev pheej hmoo txog kev phav raug kab mob sib kis uas suav nrog cov tsiaj thiab cov tib neeg. CDFA yuav ntsuam xyuas cov kev pheej hmoo no ib hlis ib zaug. Rau cov kev qhia uas tshwm sim tom qab Lub Peb Hlis Ntuj Tim 1, 2025, txuas lus rau cdfa.HPAinfo@cdfa.ca.gov rau cov kev ntsuam xyuas lus nqua thov kev kuaj.

Lus Nug. Puas yog cov kev qhia los sis cov kev muag cov maum nyuj ua mis tuaj yeem ua txuas mus ntxiv, yog tias cov neeg yuav pom zoo cais cov tsiaj ua ntej yuav coj tus tsiaj uas yuav los mus rau lawv pawg tsiaj.

Tsis Yog. Kev qhia cov maum nyuj hloov, Cov nyuj uas ze yuav yug los, thiab nyob rau lub sij hawm no tsis tau kev tso cai kom pub cov nyuj ua mis thiab cov nyuj ua mis qhuav, tab sis cov kev pheej hmoo yuav raug ntsuam xyuas ib hlis ib zaug. Yuav tsum muaj qhov kev nqis tes no los txo kev phom sij txog kev kis rau tib neeg thiab cov nyuj thiab cov noog uas tsis tau kis mob rau tus kab mob. Cov lus nqua thov kev zam uas suav nrog txhua cov kev ntsuas kev txo kev pheej hmoo yuav raug ua zoo saib rau cov kev ua ub ua no txog kev lag luam uas tshwm sim muaj tom qab Lub Peb Hlis Ntuj Tim 1, 2025. Thov xa cov lus nqua thov kev zam rau cdfa.HPAinfo@cdfa.ca.gov.

LWM COV LUS NUG THIAB COV LUS TEB TXOG TSIAJ YUG

Lus Nug. Tsim nyog muaj cov kev ua zoo saib twg rau lwm cov hom noog los sis tsiaj yug uas tsis suav nrog hauv kev txwv?

Peb txhawb txhua cov kev nthuav qhia, cov kev qhia thiab cov kev ua ub ua no txog kev lag luam uas muaj tej cov hom tsiaj uas muaj kev pheej hmoo rau kev siv cov kev ceev faj ntxiv. Yog tias mus tau, zam kev yug tsiaj ntau hom nyob rau hauv tib qhov chaw. Tsis txhob tso cai nthuav qhia cov tsiaj uas muaj kev pheej hmoo. Tsis txhob cia pej xeeb los kov los sis tuav cov tsiaj uas nthuav qhia; yog tias tsis tuaj yeem zam tau qhov no, ua kom muaj cov chaw ntxuav tes thiab/los sis tshuaj ntxuav tes.

Lus Nug. Puas yog qhov kev txwv no siv tau rau cov tshis ua mis?

Tsis Yog. Tam sim no cov tshis ua mis tsis raug suav nrog hauv kev txwv.





CALIFORNIA DEPARTMENT OF
FOOD & AGRICULTURE
Karen Ross, Secretary

Lus Nug. Cov tshis ua mis muaj kev pheej hmoo rau Kab Mob Npaws Noog H5N1?

Tam sim no tshis muaj pov thawj txog kev pheej hmoo rau tshis ua mis, tab sis qhov no yog ib feem ntawm kev tshawb nrhiav tshis tu ncu. Yog tias pom tias cov tshis ua mis muaj kev pheej hmoo, ces lawv yuav dhau los ua kev kis kab mob rau lwm cov tsiaj thiab cov tib neeg. Peb txhawb kev siv cov cai kev ruaj ntseg txog yam muaj sia uas nruj tsiv nyob rau hauv [cov vaj ntau hom tsiaj](#) txhawm rau tiv thaiv cov kev kis kab mob uas sib kis (kev sib kis ib hom tsiaj mus rau lwm hom tsiaj).

COV LUS NUG UAS CUAM TSHUAM RAU KEV TXWV RAWLS LI NCUA DAV

Lus Nug. Yog vim li cas es xeev California thiaj li yog lub xeev uas tawm qhov kev txwv nkaus xwb? Yog vim li cas tam sim no?

Lub caij nyoog kev loj hlob xyoo 2025 tau pib nyob rau lub sijhawm thaum muaj cov vaj tsiaj uas muaj kev sib kis uas tshis tau muaj los dua nyob rau hauv xeev California. Tej zaum nyuj ua mis uas kis mob yuav muaj tsos mob (saib zoo li tshis mob) rau ob txog peb vij tab sis tseem tuaj yeem kis tau tus kab mob vais lav. Raws li cov tshwm sim tawm los ntawm cov qib kev sib kis kab mob siab thiab kev sib kis uas tshis tau muaj los dua, kab mob vais lav tab tom muaj kev sib kis ceev ncu ntawm cov nyuj ua mis nyob rau hauv xeev California kev kis mob rau cov tsiaj tuaj tis. Dhau ntawm kev tso hem thawj los ntawm cov nyuj ua mis uas kis kab mob, cov tsiaj tuaj tis kis kab mob los ntawm cov noog ya mus los. Tseem muaj kev kuaj pom tias muaj kab mob H5N1 tshiab nyob rau hauv pab nyuj ua mis thiab cov tsiaj tuaj tis ntawm xeev California.

- Los txog rau thaum Lub Ib Hlis Ntuj Tim 24, 2025, muaj kev lees paub tias muaj kab mob rau nyuj ua mis li 937 cov mob thoob plaws 16 lub xeev.
CA muaj li 720 cov xwm txheej mob ntawd. Nyob rau 30 hnuv dhau los, muaj cov xwm txheej mob ntawm nyuj ua mis li 40 cov thoob plaws xeev; CA muaj muaj tus mob 30 tus. Rau cov kev hloov kho tshiab hauv teb chaws tshiab tshaj plaws hais txog H5N1 rau cov nyuj ua mis, mus saib txoj kab txuas nkag mus [no](#).

Lus Nug. Puas yog cov kev ua ub ua no txog kev lag luam xa cov lus nqua thov rau cov kev zam? Yog tias yog, lawv tuaj yeem xa rau leej twg?

Yog. Yuav tau ua zoo saib rau cov lus nqua thov rau cov kev ua ub ua no txog kev lag luam uas tshwm sim muaj tom qab Lub Peb Hlis Ntuj Tim 1, 2025. Thov xa cov lus nqua thov kev zam rau cdfa.HPAInfo@cdfa.ca.gov.

Lus Nug. Kev txwv vam tias yuav tau ua txuas ntxiv ntev npaum li cas?

Qhov kev txwv no tseem yuav siv tau kom ntev li ntev tau raws cov kev xav txog vais lav tseem siab nyob rau cov nyuj ua mis ntawm xeev California vim yog muaj kev pheej hmoo txog kev kis lwm tus nyuj, cov vaj nyuj ua mis, thiab cov neeg sib chawv tas li nrog cov tsiaj uas kis kab mob. Thaum peb pib pom ntau cov nyuj ua mis kuaj pom tias muaj Kab Mob Npaws Noog tom qab zoo los ntawm kev sib kis kab mob, nws yog qhov nyuaj rau kev khwv yees thaum muaj kev rov ua kom zoo uas tseem ceeb Thoob Plaws Xeev. CDFA yuav ntsuam xyuas cov kev pheej hmoo ib hlis ib zaug.





CALIFORNIA DEPARTMENT OF
FOOD & AGRICULTURE
Karen Ross, Secretary

Lus Nug. Puas yog qhov kev txwv no siv tau rau cov vaj tsiaj fab kev kawm los sis cov vaj tsiaj yug uas muaj tsiaj tuaj tis thiab nyuj ua mis?

Yog. Txhua cov tsiaj tuaj tis thiab nyuj ua mis tsim nyog raug tshem tawm ntawm lub vaj fab kev kawm thiab cov vaj tsiaj yug rau cov kev sib tham thiab cov kev qhia ntawm zej tsoom. Cov vaj tsiaj rau kev ntoj ncig saib (ncig mus los) thiab cov vaj tsiaj yug tsis tuaj yeem muaj cov tsiaj uas txwv uas teev tseg. Cov vaj tsiaj fab kev kawm ruaj khov thiab cov vaj tsiaj yug tsis tuaj yeem nthuav qhia cov tsiaj uas txwv tshwj uas teev tseg rau pej xeeb.

Lus Nug. Puas tso cai muaj kev qhia txog tsiaj tuaj tis thiab nyuj ua mis hauv oos lais cuag li yog tiag (tsis muaj cov tsiaj tuaj sau ua ke kiag ntawm qhov chaw)?

Yog. Cov kev qhia thiab cov kev muag tsiaj tuaj tis thiab nyuj ua mis uas muaj hauv oos lais cuag li yog tiag raug zam los ntawm kev txwv. Tus qauv kev nthuav qhia no muab cov ntaub ntawv kev pov thaiv uas siv tau tshaj plaws rau kab mob uas kis los ntawm cov xwm txheej uas cov tsiaj los ntawm lwm cov vaj thiab cov cheeb tsam tuaj sau ua ke fab lub cev nyob rau hauv tib qhov chaw.

Lus Nug. Puas yog muaj tej cov kev ua tib zoo tshwj xeeb rau cov kev ua ub ua no txog kev lag luam nyob rau hauv cheeb tsam uas tsis muaj kab mob?

Qaum Teb California (Butte, Colusa, Del Norte, Glenn, Humboldt, Lake, Lassen, Marin, Mendocino, Modoc, Napa, Nevada, Placer, Plumas, Shasta, Sierra, Siskiyou, Solano, Sonoma, Stutter, Trinity, Tehama, Yolo, Yuba) tam sim no tsis muaj Kab Mob Npaws Noog H5N1 rau nyuj ua mis thiab kev nthuav qhia yuav yog kev puas tsuaj rau cov neeg yug tsiaj ua mis thiab cov neeg yug tsiaj tuaj tis hauv zos. Nws yog qhov tseem ceeb uas txhua cov tswv tsiaj thiab cov neeg nthuav qhia txwv kev txav cov nyuj ua mis thiab tsiaj tuaj tis uas kis kab mob uas tej zaum yuav tshwm sim, thiab cuab yeej tsis huv uas tej zaum yuav tshwm sim xws li cov laub mus rau cheeb tsam no. Cov kev ua ub ua no txog kev lag luam muaj kev koom tes nrog cov neeg yug tsiaj kev pov thaiv los ntawm kev kawm thiab cov cai uas txhawb kev xav “tsis muaj kev txav mus los ntawm kab mob vais lav Npaws Noog ntawm nov”. Tuaj yeem pom cov ntaub ntawv kev kawm nyob rau hauv peb [lub vev xaib](#).

Lus Nug. Puas yog cov tsiaj los ntawm cov cheeb tsam uas kis kab mob H5N1 yuav tau txais kev tso cai nthuav qhia nyob ntawm cov kev qhia thiab cov kev ua ub ua no txog kev lag luam?

Tsuas yog cov tsiaj uas qhia tseg hauv kev txwv xwb thiaj li yuav txwv tsis pub muaj cov kev nthuav tawm nyob ntawm cov kev qhia thiab cov kev ua ub ua no txog kev lag luam, tab txawm yog tias lawv los ntawm cheeb tsam uas kis kab mob H5N1 los xij. Pom tias lub vaj nyob rau hauv Kev Cais Ntawm Xeev vim yog kev kis mob tsis tu ncua yuav tsis tau txais kev tso cai los nthuav qhia cov tsiaj, tab sis tej zaum yuav muaj cov pawg tsiaj los sis cov pab tsiaj uas tseem tsis tuaj kuaj pom tias muaj kis mob los sis tsis tau txais kev kuaj. Cov vaj uas tsis tau txais kev kuaj no yuav tsis nyob rau hauv cov kev txwv kev txav mus los txog Kev Cais Ntawm Xeev, uas yog ib lub laj thawj rau kev txwv cov tsiaj uas muaj kev pheej hmoo siab tsis pub tuaj sib koom ua tsheej pab nrog cov tsiaj uas muaj kev pheej hmoo siab nyob ntawm cov kev ua ub ua no txog txog kev lag luam thiab cov kev nthuav qhia. Dhau ntawm kev ua raws qhov kev txwv thoob plaws xeev hais txog kev nthuav qhia txog tsiaj tuaj tis thiab nyuj ua mis lawm, nws qhia tias TXHUA cov kev ua ub ua no txog kev lag luam, cov kev qhia, thiab cov kev nthuav qhia uas txhab ntxiv kev ruaj ntseg txog yam





CALIFORNIA DEPARTMENT OF
FOOD & AGRICULTURE
Karen Ross, Secretary

muaj sia txhawm rau txo kev pheej hmoo ntawm kev kis kab mob ntawm tsiaj uas suav nrog tab sis tsis tas rau Kab Mob Npaws Noog H5N1.

Lus Nug. Puas yog qhov kev txwv no siv tau rau cov tsiaj uas los ntawm xeev California thiab koom nrog kev nthuav qhia, kev qhia, kev ua ub ua no txog kev lag luam, los sis kev muab sab nrauv xeev?

Qhov kev txwv suav nrog txhua cov tsiaj tuaj tis thiab nyuj ua mis uas koom nrog kev nthuav qhia, kev qhia, los sis kev ua ub ua no txog kev lag luam ntawm xeev California. Cov tsiaj uas mus koom cov kev qhia/cov kev nthuav qhia/cov kev ua ub ua no txog kev lag luam sab nrauv xeev yuav nce rau cov cai Qhov Lus Txib Ntawm Tsoom Fwv <https://www.aphis.usda.gov/sites/default/files/dairy-federal-order.pdf> thiab tej cov kev txwv txhab ntxiv uas xeev uas ua tswv cuab teeb tseg.

Lus Nug. Cov lus qhia ntawm CDFA txhawm rau pov thaiv kuv cov pab tsiaj/cov nyuj ua mis los ntawm kev kis kab mob yog dab tsi?

Peb hais kom txhua cov tswv pab tsiaj tuaj tis thiab pawg nyuj ua mis los nce ntxiv lawv cov kev coj ua kom muaj kev nyab xeeb txog yam muaj sia. Cov tswv tsiaj tuaj tis tuaj yeem nrhiav pom cov lus qhia ntawm [CDFA](#) thiab [USDA](#) cov vev xaib. Cov tswv pawg nyuj ua mis tuaj yeem nrhiav pom cov lus qhia kev nyab xeeb txog yam muaj sia ntawm [Kev Pov Thaiv Koj Cov Lus Qhia Kev Nyab Xeeb Txog Yam Muaj Sia Ntawm Pawg Tsiaj](#).

Lus Nug. Yog vim li cas es qhov kev txwv no thiaj li tseem ceeb thaum ua zoo saib rau kev pheej hmoo rau cov tib neeg?

Tab txawm tias kev pheej hmoo txog kab mob H5N1 rau cov pej xeev sawv daws tseem qis, tab sis nws kuj tsis yog ntxaiv. Cov kev pheej hmoo txog kev phav raug thiab kev kis yog qhov siab zog ntau thaum cov neeg sib chww nrog tsiaj uas kis kab mob. Tsiaj tuaj tis thiab nyuj ua mis muaj kev pheej hmoo siab rau tus kab mob vais lav no. Qhov kev txwv yog txhawm rau txo kev pheej hmoo rau txhua hom tsiaj uas muaj kev pheej hmoo, uas suav nrog cov tib neeg, los ntawm kev txwv ib ntus rau hom tsiaj uas muaj kev pheej hmoo ntau heev nyob ntawm cov kev qhia, cov kev ua ub ua no txog kev lag luam, thiab cov kev nthuav qhia.

Lus Nug. CDFA yuav muab cov kev tswj/cov cai teeb tseg uas txaus rau cov neeg nthuav qhia rau cov kev qhia thiab cov kev ua ub ua no txog kev lag luam li cas thaum muaj kev tshem tawm qhov kev txwv los tiv thaiv kev kis kab mob npaws noog ntxiv rau cov chaw/cov khauj tim uas tsis tau muaj kev kis kab mob?

CDFA ntsuam xyuas cov kev pheej hmoo txog Kab Mob Npaws Noog H5N1 rau kev ua liaj teb yug tsiaj txhu ntawm xeev California suav txij li thaum kuaj xub thawj nyob rau hauv Tebchaws Meskas nyob rau Lub Ib Hlis Ntuj Xyoo 2022. Xeev Tus Kws Kho Tsiaj ua hauj lwm nrog cov kws kho kev kis kab mob txhawm rau txiav txim cov feem xyuas kev pheej hmoo thiab cov kev ua raws cov laj txheej kev kuaj, cov kev cais, thiab cov kev txwv raws li tsim nyog txhawm rau txo kev pheej hmoo txog kev kis kab mob. Cov kev siv zog hauv kev kawm thiab kev nthuav qhia ntawm CDFA pib ua ntej qhov kev kis kab mob tam sim no thiab yuav ua txuas ntxiv yam tsis muaj teev tseg. Cov kev siv zog no suav nrog kev qhia tawm cov kev coj ua txog kev noj qab haus huv ntawm tsiaj thiab kev txo kab mob uas suav nrog cov lus qhia kev nyab xeeb





CALIFORNIA DEPARTMENT OF
FOOD & AGRICULTURE
Karen Ross, Secretary

txog yam muaj sia los ntawm CDFA lub vev xaib, xaus saus mis dias, kev koom nrog cov koom txoos cov kev ua ub ua no txog kev lag luam, cov kev qhia, cov kev nthuav qhia, thiab kev nthuav tawm ntawm cov koom haum kev ua liaj teb yug tsiaj txhu, (FFA, 4H, cov koom haum tsev kawm ntawv).

Lus Nug. Puas yog CDFA yuav muab cov ntaub ntawv tshaj tawm thiab cov ntaub ntawv kev kawm rau cov koom txoos txhawm rau siv xws li cov kev nthuav tawm rau zej tsoom?

Yog. Tuaj yeem pom cov ntaub ntawv kev kawm nyob rau hauv peb [lub vev xaib](#). Tuaj yeem sau, nthuav tawm, thiab muab cov ntaub ntawv no. Txuas Lus Rau peb Tus Neeg Ua Hauj Lwm Saib Xyuas Ntaub Ntawv Fab Zej Tsoom (Public Information Officer) ntawm cdfa.HPAInfo@cdfa.ca.gov rau cov ntaub ntawv lus qhia ntxiv.

